

水樂大典卷之一萬一千一百三十三

水 水經七



水經洛水又東逕宜陽縣故城南。秦武王以甘茂為左丞相。曰。寡人欲通三川。窺周室。死不朽矣。茂諳約。魏以次韓。斬首六萬。遂拔宜陽城。故韓地也。後乃縣之。漢惠帝封息夫躬為侯國。城之西門。亦眉樊崇與盆子及大將等奉璽綬劔壁處。世祖不即見。明日陳兵於洛水。見盆子等。謂盆子丞相。徐宣曰。不悔乎。宣曰。不悔。上嘆曰。卿庸中。噉噉鐵中。錚錚也。洛水又東與厭梁之水合。水出縣北。傳山大陂。山無草木。其水自陂北流。屈而東南注。世謂之五延水。又東南流。逕宜陽縣故城東。東南派注于洛。洛水又東南。黃中澗水出。北阜二源。奇發。總成一川。東派注於洛。洛水又東。祿泉注之。其水近出北溪。洛水又東。共水入焉。水北出長石之山。山無草木。其西有谷焉。厥名共谷。共水出焉。南流得尹溪口。水出西北。尹谷。東南注之。其水又與西南左澗水會。水東出近川。西派注于共水。共水又南。與李谷水出。西西北李溪東。南注。養水。養水發源。養谷。西南流。與李谷水合。而西南派入共

水。其水世謂石頭泉。而南派注于洛。洛水又東黑澗水南出陸渾西山。歷于黑澗西北入洛。洛水又東臨亭川水注之。水出西北近溪。東南與湖長澗水會。水出北山。南入臨亭水。又東南歷九曲西而南入洛水也。又東北出散關南。洛水東逕九曲南。其地十里有坂之曲。穆天子傳所謂天子西征升于九阿。此是也。洛水又東與豪水會。水出新安縣密山。南派歷九曲東而南流入于洛。洛水之側有石點山。山石盡黑。可以書跡。故以石點名山矣。洛水又東枝瀆左出焉。東出關絕惠水。又逕清女冢南。冢石北山上。耆舊傳云。斯女清真秀古跡。表來今矣。故瀆又東逕周山。上有周靈王冢。皇覽曰。周靈王葬於河南城西南周山上。蓋以王生而神。故謚曰靈。其冢人祠之不絕。又東北逕栢亭南。皇覽曰。周山在栢亭西。栢謂斯亭也。又東北逕三上陵東北出焉。三王。或言周景王。悼王。定王也。魏司徒公崔浩注西征賦云。定當為敬。予朝作難。西周政弱人荒。悼敬二王與景王俱葬於此。故世以三王名陵。帝王世紀曰。景王葬於瞿泉。今洛陽大倉中大家是也。而傳言在此。所未詳矣。又悼敬二王。稽諸史傳。復無葬處。今陵東有石碑。錄敬王以上世王名號。考之碑記。罔甚明矣。故瀆東北歷制鄉。逕河南縣王城西。歷郊鄆陌。杜預釋地曰。縣西有郊鄆陌。謂此也。故瀆人北入穀。

蓋經始周啓。潰久廢不脩矣。洛水自枝潰又東出關。惠水右注之。世謂之八關水。戴延之西征記謂之八關澤。卽經所謂散關。郭自南山橫洛水北屬於河。皆關塞也。卽楊僕家僮所築矣。惠水出白石山之陽。東南流與瞻水合。水東出婁家之山。而南流入惠水。惠水又東南謝水北出。瞻諸之東。南流又有交關之水。北出應山。南流俱合惠水。惠水又南流逕關北城二十里者也。其城西岨塞垣。東抗惠水。靈帝中平元年。以河南尹何進爲大將軍。五營士屯都亭。置函谷關。廣城。伊閭。大谷。轅轅。挺門。平津。孟津。等八關。都尉官治此。函谷爲之首。在八關之限。故世人認其親目有八關之名矣。其水又南流入于洛水。山海經曰。白石之山。惠水出其陽而南流注于洛。謂是水也。洛水又與魏水會。水出林樞之山。北流注于洛。水之南。則鹿蹄之山也。世謂之非也。其山陰則峻絕百仞。陽則原阜隆平。甘水發于東麓。北流注于洛水也。又東北過河南縣南。周書稱周公將致政。乃作大邑城周于中土。南繫于洛水。北因于邠山。以爲天下之大濠。孝經援神契曰。八方之廣。周洛爲中。謂之洛邑。竹書紀年。晉定公二十年。洛絕于周魏襄王九各入城周。山水大出。南有甘洛城。郡國志曰。所謂甘城也。地記曰。洛水東北過五零洛尾北與澗澗合。是二水東入于金渠。故潰存焉。又東過

洛陽縣南。伊水從西來注之。洛陽。周公所營洛邑也。故洛誥曰。我卜瀍水東。亦唯洛食。其城方七百二十丈。南繫于洛水。北因于郛山。以爲天下之漭。方六百里。因西爲千里。春秋昭公二十三年。晉令諸侯大夫將成周之城。故亦曰成周也。還自序云。太史公留滯周南。擊仲治曰。古之周南。今之洛陽。漢高祖始欲都之。感姜叡之言。不日而駕行矣。屬光武中興。宸居洛邑。遠於魏晉。咸兩宅焉。故魏略曰。漢火行忌水。故去其水而加雒。魏爲土德。土。水之母也。水得土而流。土得水而柔。陰佳加水。長沙耆舊傳曰。祝良字石卿。爲洛陽令。歲時亢旱。天子祈雨不得。良乃曝身階庭。告誠引罪。自晨至中。戴雲水起。甘雨登降。人爲歌曰。天久不雨。蒸人失所。天王自出。祝令特苦。精符感應。滂沱下雨。則縣司及河南尹治司隸周官也。漢武帝使願徒隸董督京畿。因名司州焉。地記曰。洛水東入于中。提山間東派會于伊是也。昔黃帝之時。天大霧三日。帝遊洛水之上。見大魚。懸五牲以醮之。天乃甚雨。七日七夜。魚流始得圖書。今河圖視萌篇是也。昔王子晉好吹簫。招延與道士浮丘同遊。伊洛之濱。舍始又受玉雞之儒瑞於此水。洛神宓妃之所在也。洛水又東合水南出半石之山。北逕今水塢而東北派注于公路澗。但世俗音訛。號之曰光祿澗非也。上有袁術固四周絕澗。逕

逕百仞。廣四五里。有一水淵而不流。故溪淵即其名也。合水北與劉水合。水出半石東山西北流于劉聚。三面臨淵。在緱氏西南周畿內劉子國。故謂之劉淵。其水西北流注于合水。合水又北流注于洛水也。又東過偃師縣南。洛水東逕計素渚。中朝時百國貢計所頓。故渚得其名。又真僊師故縣南。與緱氏分水。又東休水自南注之。其水導源少室山。西流逕穴山南。而北與少室山合。水出少室北溪西南流注休水。休水又左會南溪水。發大穴南山。北流入休水。休水又西南北屈潛流地一。其故瀆北屈出峽。謂之大穴口。北歷覆釜堆東。蓋以物象受名矣。又東扁零星塢。水流潛通。重源又發。側緱氏原。開山圖謂之緱氏山也。亦云仙者昇焉。言王子晉控鶴斯阜。靈王望而不得近。舉手謝而去。其家得遺篋。俗亦謂之爲撫父堆。堆上有子晉祠。或言在九山非此。世代已遠矣。莫能辯之。劉向仙傳云。世有蕭管之聲焉。休水又逕延壽城南。緱氏縣治。故滑賈春秋滑國郛都也。王莽更名中亭。即緱氏城也。城有仙人祠。謂之仙人觀。休水又西轉北。屈逕其城西。水之西南有司空密陵先侯鄭廟碑。文缺不可復識。又有晉城門校尉昌原恭侯鄭仲林碑。晉皇始六年立。休水又北流注于洛水。洛水又東逕百谷塢北。戴延之西征記曰。塢在川南。因高爲塢。高一十餘丈。劉武

玉西入長安。舟師所堡也。洛水又北。陽渠水注之。竹書紀年。晉襄公六年。洛絕于洶。即此處也。洛水又北。逕偃師城東。東北歷鄆中水南。謂之南鄆中。水之南鄆。亦曰上鄆也。逕訾城西。司馬彪所謂訾聚也。而鄆水注之。水出北山鄆溪。其水南流。世謂之溫水泉。水側有童人穴。穴中有僵尸。戴延之從劉武玉西征。記曰。有此尸。尸今猶在。夫物無不化之理。魂無不遷之道。而此尸無神識。事同木偶之狀。喻其推移。未若正形之速遷矣。鄆水入東南於訾城西北。東入洛水。故京相璠曰。今華洛渡北有水鄆谷。東入洛。謂之下鄆。故有上鄆下鄆之名。亦謂之北鄆。於是有南鄆北鄆之稱矣。又有鄆城。蓋周大夫鄆賁之舊邑。洛水又東。逕訾城北。又東。羅水注之。出方山。羅川西北流。蒲池水注之。出南蒲陂。西北流。合羅水。謂之長川羅。亦曰羅中也。蓋賁子尋羅之宿居。故川得其名耳。羅水又西北。白馬溪水注之。水出崧山北麓。逕白馬塢東。而北入羅水。西北流。白相澗水注之。水出嵩麓洞。溪北流。逕九山東。又北。九山東溪水入焉。水出百橋山東谷。其山孤峯秀出。惟峴分立。仲長子曰。昔宓有卜城者。身遊九山之上。放心不拘之鄉。謂是山也。山際有九山廟。廟前有碑云。九顯靈府君者。大華之元子。陽九列名。號曰九山。府君之靈。南據崧岳。北帶洛瀍。晉元康二年九月。太歲

在成。皇帝建殿中。中郎將閭內侯樊廣縱氏令王與主簿傳演奉宜詔命。興立廟殿焉。又省百五將軍顯靈碑。碑云。將軍姓伊氏。諱益。字賁。帝高陽之第二子伯益者也。昔元康五年七月七日。順人吳義等建立堂廟。永平元年二月三十日。刻石立頌贊。亦復賢矣。其水東北流入百相澗。又北逕袁公塢東。蓋公路始國有此也。故有袁公之名矣。北流注于羅水。羅水又西北逕袁公塢北。又西北逕潘岳子父墓前。有碑。每父茆鄉瑯太守。碑石破落。大字岳敗。每碑題云。給事黃門侍郎潘若之碑。碑云。君遇孫秀之難。閭門受禍。故門生感覆醢以增慟。乃樹碑以記事。太常潘尼之辭也。羅水入於訾城東北入于洛水也。又東北過鞏縣東。又北入于河。洛水又東明樂泉注之。水出南原下。三泉並導。故世謂之五道泉。即古明溪泉也。春秋昭公二十二年。師次于明溪者也。洛水又東逕鞏縣故城南。東周所居也。本周之畿內鞏伯國也。春秋左傳所謂尹父父涉于鞏。即於此矣。洛水又東濁水注之。即古湟水也。水出南原。京相璠曰。訾城北三里有黃亭陌。此亭也。春秋所謂次于黃者也。洛水又東北。澗水發南溪石泉。世亦名之爲石泉也。京相璠曰。鞏東地名坎飲。在澗水東。疑即此水也。又逕藍谷塢東。世又名之曰鹽谷水。司馬彪郡國志。鞏有坎飲泉。春秋僖公二十四年。

王出及坎畝。服虔亦以為華東邑名也。今考厥文若狀焉而不能精辨耳。
晉太康地記。昔書地道並言在華西非也。其水又北入洛。洛又東北流入
于河。山海經曰。洛水成臯西入河是也。謂之洛汭。即什谷也。故張儀說秦
曰。下兵三川。塞什谷之口。謂此川也。史記音義曰。華縣有郛谷水者也。黃
帝東巡河過洛。修壇沉璧。堯龍圖於河。龜書於洛。亦文篆字。堯帝又脩壇
河洛。釋良即沉。榮光出河。休氣四塞。白雲起。迴風逝。赤文綠色。廣袤九尺。
負理平。上有列星之分。什政之度。帝王錄記興亡之數以役之。又東說書
於日。稷。赤光起。玄龜負書。背甲赤文成字。遂禪於舜。舜又習堯祀。沉書於
日。稷。赤光起。玄龜負位。至于稷下。榮光休至。黃龍養甲。舒圖壇畔。赤文綠
錯。以授舜。以禪禹。朕湯東觀於洛。習禮堯壇。隆璧三沈。榮光不起。黃魚雙
躍。出濟於壇。黑鳥以洛隨魚亦上。化為黑玉。赤勒之書。黑龜赤文之題也。
湯以伐桀。故春秋說題辭曰。河以道坤。出天苞洛。以流川吐地。符王者沉
禮焉。竹書紀年曰。洛伯用與河伯馮夷鬪。蓋洛水之神也。昔夏太康失政。
為羿所逐。其昆弟五人須於洛汭。作五子之歌於是地矣。伊水出南陽縣
西荀渠山。山海經曰。蔓渠之山。伊水出焉。淮南子曰。伊水出上魏山。地理
志曰。出熊耳山。即麓大。同陵巒牙。剖耳。水自熊耳東北逕鸞川亭。北蘇水

出義山。北流臨其城東。而北入伊水。世人謂伊水為鶯水。義水為交水。故名斯川為鶯川也。又東為淵潭。潭潭若沸。亦不測其淺深也。伊水又東北逕東亭城南。又屈逕其亭東。東北流者也。東北過郭落山。陽水出陽山陽溪。世人謂之太陽谷。水亦取名焉。東流入伊水。伊水又東北。鮮水入焉。水出鮮山。北流注于伊。伊水又與鹽水合。水出盧氏縣之鹽谷。東流入于伊。又東北過陸渾縣南。山海經曰。滂滂之水出於蘆山。南流注于伊水。今水出陸渾縣之西南王母澗。湖北山上有王母祠。故世因以名溪。東流注于伊水。即瀟瀟之水也。伊水歷崖口山峽也。翼崖深高。壁立若闕。崖上有塢。伊水逕其下。歷峽北流。即古三塗山也。杜預釋地曰。山在縣南。關駟十三州志云。山在東南。今是山在陸渾故城東南八十許里。春秋昭公四年。司馬侯曰。四嶽三塗。陽城中南九州之嶺也。服虔曰。三塗大行。輟跡峭絕。非南望也。京相璠之著春秋地名。亦云山名也。以服虔之言云。塗道也。淮周書南望之大。復言宜為輟輟大道伊闕。皆為非也。春秋晉伐陸渾。請有事於三塗。知是崩矣。有七谷水注之。水西出女機山之南。七溪山上有西王母祠。東南流注于伊水。又北。蚤谷水注之。水出女機山之東谷。東逕故亭南。東流入于伊水。伊水又東北逕伏流嶺東。嶺上有崑崙祠。民猶祈焉。劉

澄之永初記稱陸渾縣西有伏派坂者也。今山在縣南崖口北三十里許。西則非也。北與溫泉水合。水出新城縣之狼臯山之西南阜下。西南流會于伊水。伊水又東北逕伏睹嶺。左納焦澗水。水西出鹿膊山。東流孤山南。其山分立塋上。單秀孤峙。故世謂之方山。即劉中書證之所謂縣有孤山者也。東歷伏睹嶺南東派注于伊。伊水又東北洧水注之。水出陸渾西山。即陸渾山者也。尋郭文之故居。訪胡昭之遺像。世去不停。莫識所在。其水有二源。俱導而東注號略。在陸渾縣西九十里也。司馬彪郡國志曰。縣西號略地。春秋所謂東盡于號略者也。北水東派合侯澗水。澗出西北侯溪。東南派注于洧水。洧水又東逕陸渾縣故城北。平王東遷。卒有適伊川見有被髮而祭於野。曰不及百年。此其戎乎。魯僖公二十二年。秦晉遷陸渾之戎于伊川。故縣氏之也。洧水東南派左合南水。水出西山七谷。亦謂之七谷水。祖澗東逕。歷其縣南。又東南左會北水。亂派左合禪渚。渚水上承陸渾縣東禪渚。渚左原上。陂方十里。佳饒魚鱉。即山海經所謂南望禪渚。禹父之所化。郭景純注云。一禪音暖。縣化羽淵而復在此。然一已變。亦無往而不化矣。世謂此澤為慎望陂。陂水南派注于洧陽水。洧陽水又東南注于伊水。昔有莘氏女採桑於伊川。得嬰兒於空桑中。言其母孕於伊

水之濱。夢神告之曰。白水出而東走。毋明視而見。白水出焉。告其鄰居而走。顧望其邑。咸爲水矣。其母化爲空桑。予在其中矣。莘女取而獻之。命養於苞。而長有賢德。殷以爲尹。曰伊尹也。又東北過新城縣南。馬懷橋長水出新城西山。東逕晉使待節征南將軍宋均碑南。均字文。平縣人也。其碑太始三年十二月立。其水又東流入于伊。又有明水出果縣西狼罕山。俗謂之石澗水也。西北流逕楊亮壘南。西北合康水。亦狼罕山東北流逕范塢北與明水合。北次西南流入于伊。山海經曰。放羣之山。明水出焉。南流注于伊水。是也。伊水又與大戟水會。出梁縣西。水有二源。北水出廣城西南。西南逕楊志塢北與南水合。水源南出廣城澤。西流陸渾河南。十二縣簿曰。廣城澤在新城縣界。黃阜西北流屈而東逕楊塢南。又北屈逕其塢東。又逕塢北。同注老倒澗。俗謂之老倒澗。水西流入于伊。伊水又北逕新城東。與吳澗水會。水出縣之西山。東流南屈逕其縣故城西。又東轉逕其縣南。故蠻子國也。縣有郢聚。今名蠻中是也。漢惠帝四年置縣。其水又東北流注于伊水。伊水又逕西北當階西大狂水入焉。水東出陽城縣之大苦山。山海經曰。大苦之山多瑇瑁之土。其陽狂水出焉。西南流。其中多三足龜。人食之者無大疾。可以已腫。狂水又西逕綸氏縣故城南。竹書紀年

曰。楚吾得帥師。及秦伐鄭。圍綸氏者也。左。與倚薄山水合。水北出倚薄之山南。逕城黃西。又南經綸氏故城東。而南流注于狂水。狂水又西入風溪。水注之。水北出八風山。南流逕綸氏城西。西南流入于狂水。狂水又西得三交水口。水有二源。各道一溪。並出山南。流合舍。故世有三交之名也。其水西南流注于狂水。狂水又西逕茱萸山北。西南與湮水合。水出東北湮谷。西南流逕武林亭東北。入屈逕其亭南。其水又西南逕湮陽亭東。蓋籍水以名亭也。又東南流入于狂。狂水又西逕湮陽城南。又西逕當階城南。而西流注于伊。伊水又土溝水出玄望西山。東逕玄望山南。又東逕新城縣故城北。東流注于伊水。伊水又北板橋水入焉。水出西山。東流入于伊水。伊水又北會厭澗水。水出西山。東流逕郛郛亭南。春秋左。傳。文公十七年秋。周甘歆敗戎於郛郛者也。服虔曰。郛郛在高都南。杜預釋地曰。河南新城縣北有郛郛亭。司馬彪郡國志曰。新城有高都城。今亭在城南七里。遺基在。京相璠曰。舊說言郛郛在高都南。今上黨有高都縣。余謂京論疎遠。未足以證。無知詳說之旨密矣。其水又東注于伊水。伊水又北逕高都城東。徐廣史記音義曰。今河南新城縣有高都城。竹書紀年。梁惠成王十七年。東周與鄭高都利者也。又來儒之水出于半石之山。西南流逕城輪

城北。西歷艾澗水。以其西流。又謂之小狂水也。其水又西南逕大石嶺南。開山圖所謂大石山也。山下有大石嶺碑。河南隱士通明以漢靈帝中平六年八月戊辰於山堂立碑。文字淺鄙。殆不可尋。魏文帝獵于此山。虎超乘輿。孫禮拔劔捉虎於是山。山在洛陽南而劉澄之言在洛東北。非也。山阿有魏明帝高平陵。王隱晉書曰。惠帝使校尉陳總仲元詣洛南山請雨。總盡除小祀。唯存大石而祈之。七日大雨。即是山也。來儒之水又西南逕赤眉城南。又西至高都城東。西入伊水。謂之曲水也。又東北過伊闕中。伊水逕前亭西。左傳昭公三十二年。晉箕遺樂徵石行。晁濟師取前城者也。京相璠曰。今洛陽西南五十里伊闕外前亭矣。服虔曰。前漬為泉。周地也。伊水又北入伊闕。昔大禹疏以通水。兩山相對。望之若闕。伊水歷其間。北流。故謂之伊闕矣。春秋之闕塞焉。昭公二十六年趙鞅使汝寬守闕塞是也。陸機云。洛有四闕。斯其一焉。東麓西嶺。並鑄石開軒。高甍架峯。西側靈巖。下泉流東。注入于伊水。傳說及都賦曰。因龍門以暢化。開伊闕以達聰也。闕左壁有石銘云。黃初四年六月二十四日辛巳。大出水。舉高四丈五尺。齊此已下。蓋記水之漲減也。右壁又有石銘云。永康五年。河南府君脩大禹之軌。都督鄒牟。曜新城令王琨。都監作掾董倚。李衆。斬岸開石。平通。

伊闕石文尚存也。又東北至洛陽縣南北入于洛。伊水自闕東北流之津石出焉。東北引溉東會合水。同注公路。闕入于洛。今無水。戰國策曰。東周欲為田。西周不下水。蘇子見西周若曰。今不下水。所以富東周也。民皆種他種。欲食之。不如下水以病之。東周不必復種稻。種稻而復奪之。是東周受於若矣。西周遂下水。即是水之故渠也。伊水又東北枝渠左出焉。水積成湖。北流注于洛。今伊水。伊水又東北至洛陽縣南。逕負丘東。大魏郊天之所。准漢故事建之。漢書郊祀志曰。建武二年。初制郊祀於洛陽城南七里。為圓壇八陛。中人為重壇。天地位其上。皆南向。其外壇上為五帝位。其外為壇。重營皆紫。以像宮。祭禮天子大裘而冕。祭暉天上帝於此。今衮冕也。壇壇無復紫矣。伊水又東北流注于洛水。廣志曰。鯢魚聲如小兒。有四足。形如鯉。可以治牛。出伊水也。司馬遷謂之人魚。故著。其史記曰。始皇帝之葬也。以人魚膏為燭。徐廣曰。人魚似鮎而四足。即鯢魚也。漣水出河南穀城縣北山。縣北有潛亭。漣水出其北。梓澤中。梓澤地名也。澤北對原阜。即裴氏墓塋所在。碑闕存焉。其水歷澤東南流。水西有一原。其上平敞。古舊亭之處也。即潘安仁西征賦所謂越街鄰者也。東與千金渠合。周書曰。我卜漣水西。謂是水也。東南流。水西南有阜。仲理墓。墓前有碑。題云。真人

帛君之表。仲理名護。益州巴郡人。晉永寧二年十一月立。渰水又東南流注于穀。穀水自千金塢東注。謂之千金渠也。又東過洛陽縣南。又東過偃師縣。又東入于洛。澗水出新安縣南白石山。山海經曰。白石之山。惠水出于其陽。東南注于洛。澗水出其陰。北流注于穀。世謂是山曰廣陽山。水曰赤岸水。亦曰石于澗。地理志曰。澗水出新安縣東南。東入洛。是為密矣。東北流歷函谷東坂。東謂之八持坂。山海經曰。北流注于穀。擊仲治三輔決錄注云。馬氏兄弟五人。共居澗穀二水之交。作五門。客因舍以為名。今在河南西四十里。以山海經推校里數不殊。仲治所記。水會尚有故居處。斯則澗水也。即周書所謂我卜澗水東。言水者是也。東南入于洛。孔安國曰。澗水出澠池山。今新安縣西北有一水北出澠池界。東南流逕新安縣。而東南流入于穀水。安國所言當斯水也。然穀水出澠池下。合澗水得其通稱。或亦指之為澗水也。並未詳之耳。今孝水東十里有水。世謂之慈澗。又謂之澗水。按山海經則少水也。而非澗水。蓋習俗之誤耳。又按河南有離山。水謂之為澗水。水西北出離山。東南流注于離山澗水也。又東南流歷邠山於穀城東。而南流注于穀。舊與穀水亂流。流同南入于洛。今穀水東入千金渠。澗水與之俱東入洛矣。或以是水並為周公之所指卜也。呂

忱曰。今河南使水。疑其是此水也。然意所未詳。故並書存之耳。穀水出弘農。黽池縣南。墻塚林。穀陽谷。山海經曰。傳山之西有林焉。曰墻塚。穀水出焉。東流注于洛。其中多烟玉。今穀水出于峭東馬頭山。穀陽谷。東北流歷黽池川。本中鄉地也。漢景帝三年。初徙萬戶爲因峭黽之池。以目縣焉。亦或謂之彭池。故徐廣史記音義曰。黽或作彭。穀水處也。穀水又東逕秦趙二城南。司馬彪續漢書曰。赤眉從黽池自利陽南。欲赴宜陽者也。世謂之俱利城者。嘯曰。昔秦趙之會。各據一城。秦王使趙王彭越。蒯相如。今秦王擊並處也。馮異又破赤眉於此。是川矣。故光武重書曰。始雖垂翅回溪。終能奮翼灑池。可謂失之東隅。收之桑榆矣。穀水又東逕土峭地。所謂三峭也。穀水又東左會北溪。溪水北出黽池山。東南流注于穀。疑卽孔安國所謂澗水也。穀水又東逕新安縣故城南。北夾流而西接峭黽。昔項羽西入秦。坑降卒二十萬於此。國滅身亡。宜矣。穀水入東逕千秋亭南。其亭累石爲垣。世謂之城也。潘岳西征賦曰。序有千秋之號。子無七旬之期。謂是亭也。又東逕于雍谷溪。回岫縈紆。石路阻峽。故亦有峽石之稱矣。晉文歷側左與北川水合。水有二源。並導北山。東南流合成一水。自乾注巽入于穀。穀水又東逕缺門山。山阜之不侵者里餘。故得是名矣。三辟爭高。斗鋒相亂。